

晉

書

料

注

晉書附注卷十一

錢塘吳士鑑

同注

烏程劉承幹

志第一

天文上

天體

儀象

天文經星

二十八舍

二十八宿外星

天漢起沒

十二

次度數

州郡躔次

周家祿校勘記

曰天文經星二十八舍二子日中閒宜

補中宮二字

昔在庖犧觀象察法以通神明之德以類天地之情可  
以藏往知來開物成務故易曰天垂象見吉凶聖人象  
之此則觀乎天文以示變者也尙書曰天聰明自我人

聰明此則觀乎人文以成化者也是故政教兆於人理

祥變應乎天文得失雖微罔不昭著然則三皇邁德七

曜順軌日月無薄蝕之變星辰靡錯亂之妖黃帝創受

河圖始明休咎故其星傳尚有存焉降在高陽乃命南

正重司天北正黎司地

史記天官書正義左傳云蔡墨曰少昊氏之子曰黎為火正號

祝融即火行之官知天數

爰洎帝嚳亦式序三辰唐虞則羲和繼軌

史記天官書正義羲氏和氏掌天地四時之官也

有夏則昆吾紹德

史記天官書正義昆

吾陸終之子虞翻云昆吾名樊為己姓封昆吾世本云昆吾衛者也

年代緜邇文籍靡傳

至于殷之巫咸

史記天官書正義巫咸殷賢臣也本吳人豕在蘇州常熟海隅山上

周之

史佚

史記天官書正義史佚周武王時太史尹佚

格言遺記于今不朽其諸

侯之史則魯有梓慎晉有卜偃鄭有神龜

梓慎卜偃神龜均見春秋

左氏宋有子韋

漢書藝文志陰陽家有宋司星子韋三篇景公之史案子韋見呂覽制樂篇論

衡變虛篇

齊有甘德

史記天官書作甘公集解徐廣曰甘公名德也本是魯人正義七錄

亦引之

云楚人戰國時作天文星占八卷案漢藝文志醫經家亦曰楚有甘公孫星衍史記天官書補目序曰鄭康成

注周禮引甘氏歲星經後漢書郎顗傳引石氏經漢藝

文志多本七錄不著錄巫咸甘石書殊不可解今其文

具見唐瞿曇悉達所輯開元占經中按黃帝巫咸甘石

所載恆星名數多出天官書天官志之外而其書皆在

先秦不知遷固何以不載又甘氏歲星經序楚有唐昧

日歲星經其書不傳開元占經載有數百言

史記天官書同趙有尹臯魏有石申夫史記天官書正續漢志作唐茂

魏人戰國時皆掌著天文各論圖驗其巫咸甘石之說

作天文八卷

後代所宗暴秦燔書六經殘滅天官星占存而不毀及

漢景武之際司馬談父子繼爲史官著天官書以明天

人之道

孫星衍天官書考補序曰司馬氏世掌天官學於唐都遷著天官書誠如司馬貞所說多取石

氏星

其後中壘校尉劉向廣洪

元本作鴻

範災條作皇極論

以參往之行事

續漢志曰作五紀皇極之論以參往行之事漢書劉向列傳曰向見尙書洪範

箕子爲武王陳五行陰陽休咎之應向乃集合上古以來歷春秋六國至秦漢符瑞災異之記推迹行事連傳禍福著其占驗比類相從各有條目

凡十一篇號曰洪範五行傳論奏之

及班固敘漢史馬

續述天文而蔡邕譙周各有撰錄

續漢志注謝沈書曰蔡邕撰建武已後星

驗著明以續前志譙周接繼其下者

司馬彪採之以繼前志今詳眾說以

著于篇

天體

古言天者有三家一曰蓋天二曰宣夜三曰渾天御覽

蔡邕天文志作一曰周髀御覽二虞喜安天論曰太史  
令陳季胃以先賢制本為儀名曰渾天徐文靖天文考  
異曰按賀道養渾天記曰宣夜夏殷之法也周髀周人  
志周公所傳也楊泉物理論曰儒家立渾天以追天形  
從車輪焉周髀立蓋天言天氣循邊而行從磨石焉桓  
譚新論曰北斗極天樞猶蓋有北斗矣蓋雖轉而保斗  
不移虞喜曰宣明也夜幽也幽明之數其術兼之故曰  
宣夜徐爰曰史臣案渾天廢絕故有宣蓋之論其術並  
疏後世莫述抱朴子曰宣夜之書亡而鄒萌記先師相  
傳宣夜說云天體無質仰而瞻之高遠無極譬遠望黃  
山皆青俯察千仞之谷而黝黑夫青冥色黑非體也日  
月星辰浮生空中行止皆積氣焉故七曜或住或遊順  
逆伏見無常由無所根繫故也故辰極常居其所北斗  
不與眾星西沒焉七曜皆東行日行一度月行十三度  
遲疾任性若附綴天體不得爾也春秋文耀鉤曰唐堯  
卽位羲和立渾儀鄭注尚書大傳曰渾儀中筭為旋璣  
外規為玉衡此漢靈帝時蔡邕於朔方上書言宣夜之  
所稱三家是也

學絕無師法周髀術數具存考驗天狀多所違失

御覽二引

蔡邕天文志下有

史官不用一語惟渾天近得其情今史官候臺所用

銅儀則其法也立八尺員體而具天地之形

御覽二引蔡邕天文

志作立八尺員儀之

以正黃道占察發斂

御覽二引蔡邕天文志占

察作

以行日月以步五緯精微深妙百代不易之道也

官有其器而無本書前志亦闕蔡邕所謂周髀者即蓋

天之說也其本庖犧氏立周天厯度其所傳則周公受

於殷高周人志之故曰周髀髀股也股者表也其言天

似蓋笠地法覆槃天地各中高外下

御覽二天文錄曰云天形如笠中

央高而北極之下爲天地之中其地最高而滂沲四隤

三光隱映以爲晝夜天中高於外衡冬至日之所在六  
萬里北極下地高於外衡下地亦六萬里外衡高於北  
極下地二萬里天地隆高相從日去地恆八萬里日麗  
天而平轉分冬夏之閒日所行道爲七衡六閒每衡周  
徑里數各依筭術用句股重差推晷影極游以爲遠近  
之數皆得於表股者也御覽一孝經援神契曰周天七  
衡六閒者相去萬九千八百三  
十里三分里之一合十一萬九千里從內衡以  
至中衡中衡以至外衡各五萬九千五百里故曰周  
髀又周髀家云天員如張蓋御覽二天文錄曰一云天  
如車蓋游乎八極之中亦  
云天如敬車蓋南高北下地方如碁局天旁轉如推磨而左行日月  
石行隨天左轉故日月實東行而天牽之以西沒桓譚  
新論



日通人揚子雲因眾儒之說天以爲蓋常左旋日月星辰隨而東西御覽二楊泉物理論曰周髀立蓋天言天氣循邊而行從磨石焉譬之於蟻行磨石之上磨左旋而蟻右去

磨疾而蟻遲故不得不隨磨以左迴焉天形南高而北下日出高故見日入下故不見天之居如倚蓋故極在人北是其證也極在天之中而今在人北所以知天之形如倚蓋也日朝出陽中暮入陰中陰氣暗冥故沒不見也隋志沒上有從字夏時陽氣多陰氣少陽氣光明與日同

輝故日出卽見無蔽之者故夏日長也冬天陰氣多陽氣少陰氣暗冥掩日之光雖出猶隱不見故冬日短也宣夜之書云惟漢祕書郎郗萌記先師相傳云

羣書拾補日宣

夜之書云句疑衍隋志有絕無師法四字案已見上文此可省案此文本於抱朴子云字爲亡字之誤宣夜之書既亡惟郗萌能傳師說也盧氏以爲衍文非是

天了無質

書鈔一百四十九御覽二引抱朴子

外篇儉本

仰而瞻之高遠無極眼眎精絕故蒼蒼然也

莊子曰天之蒼蒼其正色耶

譬之旁望遠道之黃山而皆青俯察千

仞之深谷而窈黑

抱朴子作黝黑

夫青非眞色而黑非有體也

抱朴子作夫青冥色黑非有體也

日月眾星自然浮生虛空之中其行

其止皆須氣焉

抱朴子須氣作積氣案志文須爲積之謬

是以七曜或逝或

住

抱朴子作或住或游

或順或逆伏見無常進退不同由乎無所

根繫故各異也故辰極常居其所而北斗不與眾星西沒也攝提填星皆東行日行一度月行十三度遲疾任

情抱朴子作任性其無所繫著可知矣若綴附天體不得爾也

成帝咸康中會稽虞喜因宣夜之說作安天論以爲天

高窮於無窮地深測於不測天確乎在上有常安之形

地魄焉在下有居靜之體當相覆冒方則俱方員則俱

員無方員不同之義也

十七史商榷四十六日大戴禮天圓地亦圓說與虞氏同最精

其光曜布列各自運行猶江海之有潮汐萬品之有行

藏也葛洪聞而譏之曰苟辰宿不麗於天天爲無用便

可言無何必復云有之而不動乎由此而談稚川可謂

知言之選也虞喜族祖河閒相聳又立穹天論云天形

穹隆如雞子幕其際周接四海之表

吳志虞翻傳日聳越騎校尉累遷廷

尉湘東河間太守注引會稽典錄曰聳字世龍翻第六  
子在吳歷清宮入晉除河間相書鈔一百四十九虞世  
洪穹天論曰天形穹隆如笠而冒地之表世語與世語  
又徐整三五歷記曰未有天地之時混沌狀如雞子御  
覽二引作虞曷穹天論案曷爲  
翻第八子恐仍是聳之譌也 浮于元氣之上譬如覆

奩以抑水而不沒者氣充其中故也日繞辰極沒西而

還東不出入地中 御覽二引穹天論無出字

天之有極猶蓋之有斗

也天北下於地三十度極之傾在地卯酉之北亦三十  
度人在卯酉之南十餘萬里故斗極之下不爲地中當  
對天地卯酉之位耳日行黃道繞極極北去黃道百一  
十五度南去黃道六十七度二至之所舍以爲長短也

吳太常姚信造昕天論

經典釋文敘錄曰姚信字德祐七錄云字元直吳興人吳太常

卿御覽二虞喜安天論曰近見姚元道造昕天論賀道  
養渾天記曰二日軒天起於姚信案德祐與元直元道  
未知孰是軒與  
昕形近致謬云人為靈蟲形最似天今人顧前侈臨

賀而項不能覆背

御覽二引姚信昕天論作譬人顧移臨胸而頂不及背案移為侈之誤

近取諸身故知天之體南低入地北則偏高又冬至極  
低而天運近南故日去人遠而斗去人近北天氣至故

冰寒也

隋志冰作水

夏至極起而天運近北而斗去人遠日

去人近

羣書拾補曰下而字宋志無疑當作故日去上疑脫而字

南天氣至故蒸熱

也極之立時

御覽二引姚信昕天論立時作高時案下文云極之低時與高時為對文立當作高

日行地中淺故夜短天去地高故晝長也極之低時日

行地中深故夜長天去地下淺故晝短也

隋志及御覽二引姚信昕

天論無淺字案此句與上文天去地高爲對文此淺字  
衍又御覽引此句下有然則天行寒依於渾夏依於蓋  
也十  
三字

自虞喜虞聳姚信皆好奇徇異之說非極數談天  
者也至於渾天理妙學者多疑漢王仲任據蓋天之說  
以駁渾儀云舊說天轉從地下過今掘地一丈輒有水  
天何得從水中行乎甚不然也日隨天而轉非入地夫  
人目所望不過十里天地合矣實非合也遠使然耳今  
視日入非入也亦遠耳當日入西方之時其下之人亦  
將謂之爲中也四方之人各以其近者爲出遠者爲入  
矣何以明之今試使一人把大炬火夜半行於平地去  
人十里火光滅矣非滅也

元本無半字與隋志同隋志  
非下有火字論衡作去人不

一遠使然耳今日西轉不復見是火滅之類也日月不

員也望視之所以員者去人遠也御覽二賀道養渾天記日一日方天興於

王充方天即仲任夫日火之精也月水之精也水火在日月不員之說

地不員在天何故員羣書拾補日故字衍故丹楊葛洪釋之曰渾

天儀注云天如鷄子地如鷄中黃孤居於天內天大而

地小天表裏有水天地各乘氣而立載水而行類聚一引渾天

儀而行作而浮周天三百六十五度四分度之一又中分之則

半覆地上半繞地下故二十八宿半見半隱天轉如車

轂之運也諸論天者雖多然精於陰陽者隋志者下有少字本志脫

漏張平子陸公紀之徒後漢書張衡傳曰衡字平子吳志陸績傳曰績字公紀咸

以爲推步七曜之道以度厯象昏明之證候校以四八

之氣考以漏刻之分占晷景之往來求形驗於事情莫

密於渾象者也張平子旣作銅渾天儀

後漢書張衡傳曰遂乃研覈陰

陽妙盡璇璣之正作渾天儀著靈憲算罔論言甚詳明

注漢名臣奏蔡邕曰言天體者三家唯渾天者近得其

情今史官所用候於密室中以漏水轉之令伺之者閉

戶而唱之其伺之者以告靈臺之觀天者曰璇璣所加

某星始見某星已中某星今沒皆如合符也崔子玉爲

其碑銘曰數術窮天地制作倖造化高才偉藝與神合

契蓋由於平子渾儀及地動儀之有驗故也

後漢書順帝紀陽嘉

元年秋七月史官始作候風地動銅儀章懷太子注曰

時張衡爲太史令作之張衡傳曰復造候風地動儀以



精銅鑄成圓徑八尺合蓋隆起形似酒尊飾以篆文山  
龜鳥獸之形中有都柱傍行八道施闢發機外有八龍  
首銜銅丸下有蟾蜍張口承之其牙機巧制皆隱在尊  
中覆蓋周密無際如有地動尊則振龍機發吐丸而蟾  
蜍銜之振聲激揚伺者因此覺知雖一龍發機而七首  
不動尋其方面乃知震之所在驗之以事合契若神自  
書典所記未之有也姚振宗後漢藝文志曰隋志五行  
家有地動圖一卷不著撰人似卽此書蓋儀器必有圖  
故以地動  
圖名書 若天果如渾者則天之出入行於水中爲的

然矣故黃帝書曰天在地外水在天外水浮天而載地  
者也又易曰時乘六龍夫陽爻稱龍龍者居水之物以

喻天天陽物也又出入水中與龍相似故以龍比也

羣書

拾補曰隋志作  
比以龍亦通

聖人仰觀俯察審其如此故晉卦坤下

離上以證日出於地也又明夷之卦離下坤上以證日

入於地也需卦乾下坎上此亦天入水中之象也天爲金金水相生之物也天出入水中當有何損而謂爲不可乎故桓君山曰春分日出卯入酉此乃人之卯酉天之卯酉常值斗極爲天中今視之乃在北不正在人上而春秋分時日出入乃在斗極之南若如磨右轉則北方道遠而南方道近晝夜漏刻之數不應等也桓譚新論曰春秋晝夜欲等平旦日出於卯正東方暮日入於酉正西方今以天下之占視之此乃人之卯酉非天卯酉當北斗極北斗極天樞樞天軸也猶蓋有保斗矣蓋雖轉而保斗不移天亦轉周匝斗極常在知爲天之中也仰視之又在北不正在人上而春秋分時日出入乃在斗南知蓋轉則北道近南道遠彼晝夜數何從等乎子雲無以解也案本志後奏事待報坐西廊廡下以寒故暴背所引與此有異

有頃日光出去不復暴背

新論作後與子雲奏事坐白虎殿廊廡下以寒故背日曝

背有頃日光去背不復曝焉

君山乃告信蓋天者曰天若如推磨右

轉而日西行者其光景當照此廊下稍而東耳

新論作因以示

子雲曰天卽蓋轉而自西行其光影當照此廊下而稍東耳無乃是反應渾天家法焉子雲立壞其所作則儒

家以天爲左轉非也

不當拔出去拔出去是應渾天法也渾爲天

之真形於是可知矣然則天出入水中無復疑矣又今

視諸星出於東者初但去地小許耳

隋志小作少

漸而西行

先經人上後遂西轉而下焉不旁旋也其先在西之星

亦稍下而沒無北轉者日之出入亦然若謂天磨右轉

者日之出入亦然眾星日月宜隨天而迴初在於東次

經於南次到於西次及於北而復還於東不應橫過去也今日出於東冉冉轉上及其入西亦復漸漸稍下都不繞邊北去了如此王生必固謂爲不然者疏矣今日徑千里圍周三千里中足以當小星之數十也若日以轉遠之故但當光曜不能復來照及人耳宜猶望見其體不應都失其所在也日光旣盛其體又大於星多矣今見極北之小星而不見日之在北者明其不北行也若日以轉遠之故不復可見其北入之間應當稍小而日方入之時乃更大隋志乃上有反字此非轉遠之徵也王生以火炬喻日吾亦將借子之矛以刺子之楯焉隋志盾作

駁

把火之人去人轉遠其光轉微而日月自出至入不  
漸小也王生以火喻之謬矣又日之入西方視之稍稍  
去初尚有半如橫破鏡之狀須臾淪沒矣若如王生之  
言日轉北去有半者其北都沒之頃宜先如豎破鏡之  
狀不應如橫破鏡也如此言之日入北方不亦孤乎  
又月之光微不及日遠矣月盛之時雖有重雲蔽之不  
見月體而夕猶朗然是光猶從雲中而照外也

隋志光  
上有月

字

日若繞西及北者其光故應如月在雲中之狀不得

夜便大暗也又日入則星月出焉明知天以日月分主  
晝夜相代而照也若日常出者不應日亦入而星月亦

出也又案河洛之文皆云水火者陰陽之餘氣也夫言

餘氣則不能生日月可知也顧當言日陽精生火者可

耳

羣書拾補  
日陽字衍

若水火是日月所生則亦何得盡如日月

之員乎今火出於陽燧陽燧員而火不員也水出於方  
諸方諸方而水不方也又陽燧可以取火於日而無取  
日於火之理此則日精之生火明矣方諸可以取水於  
月而無取月於水之道此則月精之生水了矣王生又  
云遠故視之員若審然者月初生之時及既虧之後何  
以視之不員乎而日食或上或下從側而起或如鉤至  
盡若遠視見員不宜見其殘缺左右所起也此則渾天

之理信而有徵矣

元本理作體案  
隋志正作體

儀象

虞書曰在璇璣玉衡以齊七政考靈曜云分寸之晷代

天氣生以制方員方員以成參以規矩昏明主時乃命

中星觀玉儀之游

御覽二引尚書  
考靈曜游作旋

鄭玄謂以玉爲渾儀

也

御覽二范甯注曰璿爲衡璣者轉也衡平也若今渾  
天矣王者所以正天文之器又風土記曰璿衡卽今

渾儀云古者以玉爲之轉運者爲璣持正者爲衡  
一說言以良玉爲管中有光蓋取明以助遠察

春秋

文曜鉤云唐堯卽位義和立渾儀此則儀象之設其來

遠矣縣代相傳史官禁密學者不覩故宣蓋沸騰暨漢

太初落下閎鮮于妄人耿壽昌等造員儀以考厯度

揚子

法言曰或問渾天曰洛下閎營之鮮于妄人度之耿中  
丞象之廣韻十九鐸洛下云益部耆舊傳有閎中落  
閎善厯史記律書索隱曰姚氏案益部耆舊傳云閎字  
長公明曉天文隱于洛下武帝徵待詔太史於地中轉  
渾天改顓頊術作太初術拜侍中不受也御覽二益部  
耆舊傳曰漢武帝時洛下閎明曉天文於地中轉渾天  
定時節類聚五御覽十六益部耆舊傳曰巴郡洛下閎  
漢武帝時改顓頊厯更作太初厯日後八百歲此厯差  
一日當有聖人定之蜀典曰桓譚新論揚子雲好天文  
問之於洛下黃閎以渾天之說閎曰我少能作其事但  
隨尺寸法度殊不曉達其義後稍稍益愈到今七十乃  
甫適知已又老且死矣令我兒子受業作之亦當復年  
如我乃曉知已又且復死焉其言可悲可笑也按君山  
所言黃閎卽漢書所云撰太初厯之洛下閎也是洛下  
閎姓黃也華陽國志文學聘士洛下宏字長公閎中人  
是字長公也史記律書注徐廣曰陳術云徵士巴郡落  
下閎又引益部耆舊傳閎字長公明曉天文隱落是  
落下巴郡之地名也顏師古以爲姓洛下名閎誤矣應  
劭風俗通字从草云落後至和帝時賈逵繫作又加黃  
下姓出於皋落亦妄



道隋志曰永元十五年詔左中郎將賈逵乃始造太史黃道銅儀羣書拾補曰繫繼通至順帝時

張衡又制渾象隋經籍志渾天圖一卷張衡撰唐藝文志靈憲志渾天儀一卷姚振宗後漢藝文志曰開元占

圖一卷又渾天儀一卷姚振宗後漢藝文志曰開元占

經一引張衡渾儀圖注以是證知隋志渾天圖即張衡

書又曰隋書天文志謂張衡渾儀作於桓帝延熹七年

遠在延熹之前晉志以爲順帝具內外規南北極黃赤

時制則尙相近隋志失之遠矣

道列二十四氣御覽二張衡渾天儀曰赤道橫帶天之腹去極九十一度十九分之五黃道邪

帶其腹出赤道表裏各二十四度故夏至去極六十七度而強冬至去極百一十五度亦強也然則黃道邪截

赤道者則秋分之去極也今此春分去極九十一度秋分去極九十一度少者就夏至晷景去極之法以爲率也

也二十八宿中外星官及日月五緯以漏水轉之於殿

上室內星中出沒與天相應因其關戾又轉瑞輪莫莢

於階下隨月虛盈依厯開落其後陸續亦造渾象御覽十七

次士傳曰陸續作渾天說曰閏月無中氣斗斜指二辰

之閒隋志曰陸續所作渾象形如鳥卵以施二道不得

如法若使二道同規則其閒相去不得滿二十四度若

今相去二十四度則黃道當長於赤道又兩極相去不

翅入十二度半瓊案續說云天東西徑三十五萬七千

里直徑亦然則續意亦以天為正圓也器與言謬頗為

乖僻開元占經二曰陸續於孫權時又作渾天儀說造

渾天圖曾於土室居令不覺晝夜已在內推步度數擊

鼓與外相應至吳時中常侍廬江王蕃善數術書鈔一百四十

九御覽二均引王蕃渾天說御覽二又引晉陽秋曰吳

有葛衡字思真改作渾天使地居中以機轉之天轉而

地止案葛衡疑與傳劉洪乾象厯續漢律厯志注袁山

王蕃同作渾天者傳劉洪乾象厯松書曰劉洪字元卓

泰山蒙陰人延熹中以校尉應太史徵拜郎中遷常山

長史後為上計掾拜郎中檢東觀著作律厯記遷詔者

穀城門侯會稽東部都尉徵還未至領山陽太守卒官

洪善算當世無偶作七曜衡及在東觀與蔡邕共述律

厯記考驗天官及造乾象術十餘年考驗日月與象相  
應皆傳于世博物記曰洪篤信好學觀乎六藝羣書意  
以爲天文數術探賾索隱鉤深致遠遂專心銳思爲曲  
城侯相政教清均吏民畏而愛之爲州郡之所禮異隋  
經籍志梁有乾象厯五卷漢會稽都尉劉洪等注宗後  
漢藝文志曰此不知台何唐經籍志乾象厯術三卷劉  
洪撰藝文志劉洪乾象厯術三卷闕澤注依其法而制渾儀立論考度曰前  
儒舊說天地之體狀如鳥卵天包地外猶殼之裹黃也

周旋無端其形渾渾然故曰渾天也

書鈔一百四十九引王蕃渾天說作

圓如彈丸故曰渾天言其形

渾渾如也周天三百六十五度五百

八十九分度之百四十五

書鈔一百四十九引王蕃渾天說此句下有東南西北轉

轉周規

半覆地上半在地下

御覽二引王蕃渾天說此二句上有東南西北展轉

周規八字下有故二十八舍半見半隱以儀準之其見  
常八十二度有奇是以知其半覆地上半在地下也黃

赤二道見與交錯一開相去二十七度以兩儀準之俱三百六十五度有赤道見者常百八十二度半強又南北考之天見者亦一百八十二度半其二端謂之南極強是知天之體圓如彈丸一百二字北極北極出地三十六度南極入地三十六度兩極相去一百八十二度半彊繞北極徑七十二度常見不隱謂之上規繞南極七十二度常隱不見謂之下規御覽二引王蕃渾天說曰兩相去百八十八度半強案此疑有脫誤字五禮通考一百八十一李氏光地日上規下規之中相去一百餘度其最中為天之紘帶紘之內外三十度許為日月五星之行謂之中規戴氏震曰上下規隨地不同南行二百餘里北極差低一度其上下規周圍各減小一度北行二百餘里北極差高一度其上下規周圍各增大一度凡增減一度於徑為二度唐以後測北極始詳地體渾圓與天相應此其明徵也赤道帶天之紘去兩極各九十一度少彊黃道日之所行也半

在赤道外半在赤道內與赤道東交於角五少弱西交於奎十四少彊其出赤道外極遠者去赤道二十四度

斗二十一度是也其入赤道內極遠者亦二十四度并

二十五度是也

十七史商榷四十六日今定黃赤道相距二十三度半有奇比古減半度弱

日南至在斗二十一度去極百一十五度少彊是也日

最南去極最遠故景最長黃道斗二十一度出辰入申

故日亦出辰入申日晝行地上百四十六度彊故日短

夜行地下二百一十九度少弱故夜長自南至之後日

去極稍近故景稍短日晝行地上度稍多故日稍長夜

行地下度稍少故夜稍短日所在度稍北故日稍北

周家

祿校勘記日日稍北當作以至於夏至日在井二十五

度去極六十七度少彊是日最北去極最近景最短家

祿校勘記日少彊是下當補也字據上日黃道井二十

五度出寅入戌故日亦出寅入戌日晝行地上二百一

十九度少弱故日長夜行地下百四十六度彊故夜短

自夏至之後日去極稍遠故景稍長日晝行地上度稍

少故日稍短夜行地下度稍多故夜稍長日所在度稍

南故日出入稍南以至於南至而復初焉斗二十一井

二十五南北相應四十八度春分日在奎十四少彊秋

分日在角五少弱此黃赤二道之交中也

羣書拾補日相應宋志作

相覺覺與較同應當是誤改五禮通考一百八十二日  
春分交於奎十四度少彊秋分交於角五度少弱夏至  
日在井二十五度冬至日在斗二十一度特據漢時爲  
然其黃道去赤道二十四度之距今謂之黃赤距緯古  
閏而今漸狹赤道卽周髀之中衡出赤道外二  
十四度卽外衡入赤道內二十四度卽內衡去極俱  
九十一度少彊南北處斗二十一井二十五之中故景  
居二至長短之中奎十四角五出卯入酉故日亦出卯  
入酉日晝行地上夜行地下俱百八十二度半彊故日  
見之漏五十刻不見之漏五十刻謂之晝夜同夫天之  
晝夜以日出沒爲分人之晝夜以昏明爲限日未出二  
刻半而明日入二刻半而昏宋志曰下有已字故損夜五刻以  
益晝是以春秋分漏晝五十五刻三光之行不必有常

術家以筭求之各有同異故諸家麻法參差不齊洛書  
甄曜度春秋考異郵皆云周天一百七萬一千里一度  
爲二千九百三十二里七十一步二尺七寸四分四百  
八十七分分之三百六十二陸續云天東西南北徑三  
十五萬七千里此言周三徑一也考之徑一不啻周三  
率周百四十二而徑四十五廿二史攷異十九日此周  
徑之率蓋王蕃所勘其後  
祖沖之定密率徑一百一十三周三百則天徑三十二  
五十五約率徑七周廿二較此數稍弱  
萬九千四百一里廿二史攷異十九日按周天一百七  
萬一千里以徑四十五周百四十二  
之率約之當云徑三十三萬九千  
四百一里此二字當是三之譌  
一百二十二步二尺  
二寸一分七十一分分之十周禮日至之景尺有五寸



謂之地中鄭眾說土圭之長尺有五寸以夏至之日立  
八尺之表其景與土圭等謂之地中今潁川陽城地也  
御覽四晉太康記曰河南陽城縣是爲土中夏至之景  
尺有五寸所以爲候風土記云鄭仲師以爲夏至之日  
立八尺之表景尺有五寸謂  
之地中一云陽城一云洛陽鄭玄云凡日景於地千里  
而差一寸景尺有五寸者南戴日下萬五千里也以此  
推之日當去其下地八萬里矣日邪射陽城則天徑之  
半也天體員如彈丸地處天之半而陽城爲中則日春  
秋冬夏昏明晝夜去陽城皆等無盈縮矣故知從日邪  
射陽城爲天徑之半也以句股法言之旁萬五千里句  
也立八萬里股也從日邪射陽城弦也以句股求弦法

入之得八萬一千三百九十四里三十步五尺三寸六分天徑之半而地上去天之數也倍之得十六萬二千七百八十八里六十一歩四尺七寸二分天徑之數也以周率乘之徑率約之得五十一萬三千六百八十七里六十八歩一尺八寸二分周天之數也減甄曜度考異郵五十五萬七千三百一十二里有奇一度凡千四百六里百二十四歩六寸四分十萬七千五百六十五分分之萬九千四十九宋志四十九作三十九減舊度千五百二十五里二百五十六歩三尺三寸二十一萬五千一百三十分分之十六萬七百三十分黃赤二道相與交錯

其間相去二十四度以兩儀推之二道俱三百六十五度有奇是以知天體員如彈丸也而陸續造渾象其形如鳥卵然則黃道應長於赤道矣績云天東西南北徑三十五萬七千里然則績亦以天形正員也而渾象爲鳥卵則爲自相違背古舊渾象以二分爲一度凡周七尺三寸半分張衡更制以四分爲一度凡周一丈四尺六寸一分蕃以古制局小星辰稠穢衡器傷大難可轉移更制渾象以三分爲一度凡周一丈九寸五分四分分之三也

天文經星

五禮通考一百九十二日案晉志天文經星分爲三段  
一爲中宮一爲二十八舍一爲星官在二十八舍之外  
者外諸星其中宮之星以北極紫宮爲首而北斗次之  
文昌諸星在斗魁前者也太微諸星與斗衡相直者也  
自攝提大角以至貫索天紀織女漸臺輦道皆在斗杓  
下者也故次于北斗之後自平道以下至少微長垣俱  
在二十八宿之上故亦屬之中宮其序則自東而北而  
西而南焉隋志星名較多於晉史至其分目次第第一與  
晉志同蓋古無以太微天市配紫宮爲三垣者史記天  
官書祇有中宮而天市屬東宮太微屬南宮晉隋二志  
則分中外交與二十八舍爲三條而太微天市亦雜敘  
於中宮之內晉隋志俱出李淳風之手別無云三垣者  
則三垣之名在  
淳風以後矣

洪元本作鴻範傳曰清而明者天之體也天忽變色是謂易

常天裂陽不足是謂臣彊天裂見人兵起國亡天鳴有  
聲至尊憂且驚皆亂國之所生也馬續云天文在圖籍

昭昭可知者經星常宿中外官凡一百一十八名積數  
七百八十三皆有州國官宮物類之象張衡云文曜麗  
乎天其動者有七日月五星是也日者陽精之宗御覽  
甫謚年厯日日者眾陽之宗月者陰精之宗五星五行  
龍魚河圖日陽積精爲日之精眾星列布體生於地精成於天列居錯峙各有攸  
屬在野象物在朝象官在人象事其以神著有五列焉  
是爲三十五名一居中央謂之北斗四布於方各七爲  
二十八舍日月運行厯示吉凶五緯躔次用告禍福中  
外之官常明者百有二十四可名者三百二十爲星二  
千五百微星之數蓋萬有

宋本無有字

一千五百二十庶物

蠶蠹咸得繫命不然何以總而理諸後武帝時太史令  
陳卓總甘石巫咸三家所著星圖大凡二百八十三官  
一千四百六十四星以爲定紀隋志作一千四百六十  
五五禮通考一百九十  
二日晉隋二志述陳卓星圖  
總數只差一星未知孰是云  
今略其昭昭者以備天官

### 中宮

北極五星鉤陳六星皆在紫宮中北極北辰最尊者也  
史記天官書索隱春秋合誠圖曰北辰其星五在紫微  
中御覽六大象列星圖曰北極五星一名天極一名北  
極又曰鉤陳六星在紫微宮中華蓋之下天其紐星天  
帝所居之宮亦護軍將軍之象占以明則吉  
之樞也天運無窮三光迭耀而極星不移十七史商榷  
四十六日極

星運動甚微故曰居其所而眾星共之第一星主月太

子也第二星主日帝王也亦太乙之坐謂最赤明者也

第三星主五星庶子也中星不明主不用事右星不明

太子憂鉤陳後宮也大帝之正妃也大帝之常居也

隋志

大帝作太帝通志太子憂下有第四星爲后宮第五星爲天樞十二字御覽六大象列星圖曰其第一星爲太子第二星最明者爲帝第三星爲庶子餘二後宮屬也並在紫微宮中央故謂之中極其占明大則吉若變動則有憂今觀象之始始於中極者先尊以及卑自中以周外也其一人爲首謂極第二星爲首也羣書拾補曰常居隋志作座案此下云華蓋所北四星曰女御宮八以覆蔽大帝之坐也則當作坐字

十一御妻之象也鉤陳口中一星曰天皇大帝其神曰

耀魄寶主御羣靈執萬神圖抱北極四星曰四輔所以

輔佐北極而出度授政也

隋志北極作極樞御覽六大象列星圖曰四輔四星在紫

微宮中抱樞紐星也此為輔臣之位贊於萬機其占以小而明則吉若微闇則宮不理

大帝上九

星曰華蓋所以覆蔽大帝之坐也蓋下九星曰杠蓋之

柄也

御覽六大象列星圖曰華蓋七星其杠九星合十六星如蓋狀在紫微宮臨鉤陳以陰帝坐占若正

則吉若傾則凶也案本志大帝上九星當作七星七星與九星方合十六星之數通志作七星不誤華蓋

下五星曰五帝內坐設敘順帝所居也客星犯紫宮中

坐大臣犯主華蓋杠旁六星曰六甲可以分陰陽而配

節候

隋志配作紀御覽六引天文錄亦作紀

故在帝旁所以布政教而授

農時也

隋志農作人御覽六引天文錄農時作民則

極東一星曰柱下史主

記過左右史此之象也

御覽六大象列星圖曰柱下史一星在紫微宮內近尚書此左



右掌記君之過其占以明則爲史直詞若不明則詞不  
依過無眞實也羣書拾補曰左右史上脫古者有三字  
柱史北一星曰女史婦人之微者主傳漏故漢有侍史  
御覽六大象列星圖曰女史一星在紫微宮內柱史北  
婦人之官掌記宮中之事占以明則爲記史直詞若不  
明則反是傳舍九星在華蓋上近河賓客之館主胡人入中  
國客星守之備姦使亦曰胡兵起傳舍南河中五星曰  
造父御官也一曰司馬或曰伯樂星亡馬大貴其西河  
中九星如鉤狀曰鉤星直則地動天一星隋志作天在  
紫宮門右星南天帝之神也主戰鬪知人吉凶者也太  
一星隋志作太在天一南相近亦天帝神也主使十六  
神知風雨水旱兵革饑饉疾疫災害所在之國也紫宮

垣十五星其西蕃七東蕃八在北斗北一曰紫微大帝

之坐也

書鈔一百五十引天官星占作紫微者天帝之座也

天子之常居也主命

主度也一曰長垣一曰天營一曰旗星為蕃衛備蕃臣

也宮闕兵起旗星直天子出自將宮中兵東垣下五星

曰天柱建政教懸圖法

羣書拾補曰懸圖法下脫之所也常以朔望日懸禁令於大柱

以示百司周禮以正歲之月懸法象魏此之謂也三十三字

門內東南維五星曰尚

書主納言夙夜諮謀龍作納言此之象也

御覽六大象列星圖曰尚

書五星在紫微宮門內東南之隅此八座大臣之象故讀曰尚書納言夙夜諮謀占以小而明則君臣和尙

書西二星曰陰德陽德主周急振無

天文考異曰天官書陰德三星而石

氏星經陰德二星主天下紀綱陰德遺周給惠賑財之事則少一星晉志尙書西二星曰陰德陽德又以二星

分爲二座宮門左星內二星曰大理主平刑斷獄也御覽六石氏星

經曰大理四星在斗中亦爲貴人牢又爲執法之官門外六星曰天牀主寢舍解

息燕休西南角外二星曰內廚主六宮之內飲食主后

妃夫人與太子宴飲東北維外六星曰天廚主盛饌北

斗七星在太微北七政之樞機陰陽之元本也故運乎

天中而臨制四方以建四時而均五行也御覽六大家列星圖曰北

斗七星近紫微宮南在太微北是爲帝車以主號令運乎中央而臨制四方建四時均五行移節度定諸紀皆

繫於魁四星爲璇璣杓三星爲玉衡又曰斗爲人君之

象號令之主也又爲帝車取乎運動之義也又魁第一

星曰天樞二曰璇三曰璣四曰權五曰玉衡六曰開陽

七日搖光一至四爲魁五至七爲杓

案此說出春秋運斗樞類聚一引之

惟璇作旋璣作機杓作標此下有標合爲斗居陰布陽故稱北二句御覽五引開陽作閭陽開元占經石氏中

官占引河圖云北斗第一星開樞受第二星提旋序第

三星機耀緒第四星權拾取第五星玉衡拒第六星開

陽紀第七星搖光吐亦出自緯書而名稱微異御覽五

引五至七爲杓下有合爲斗居陰布陽故稱北斗二語

樞爲天玑爲地璣爲人權爲時玉衡爲音開陽爲律搖

光爲星石氏云第一曰正星主陽德天子之象也二曰

法星主陰刑女主之位也三曰令星主中禍

隋志作主禍害也

四曰伐星主天理伐無道五曰殺星主中央助四旁殺

有罪六曰危星主天倉五穀七曰部星亦曰應星

案御覽六

引大象列星圖作六日開陽亦曰應星與此異

主兵又云一主天二主地三主

火四主水五主土六主木七主金又曰一主秦二主楚

三主梁四主吳五主燕六主趙七主齊

羣書拾補日案星傳第一星主

齊第七星主秦與史記杓自華以西南魁海岱以東北

證之則此為誘又隋志及通志五主趙六主燕亦互易

拾補識語日案占經引黃帝一主口二主秦楚當亦一

秦二楚其下五趙六燕七齊廣雅釋天曰樞為雍州旋

為冀州機為青兗州權為徐揚州衡為荊州閩陽為梁

州搖光為豫州案開元占經石氏中官占引春秋文曜

鉤日華岐以北積石龍門西至三危之野雍州屬魁星

大行以東至碣石王屋砥柱冀州屬旋星三河雷澤東

至海岱以北兗青之州屬機星蒙山以東至羽山南至

江會稽震澤揚徐之州屬權星大別以東至雲夢九江

衡山荊州屬衡星荊山西南至岷山北距鳥鼠梁州屬

開陽星外方熊耳以東至泗水陪尾豫州屬杓星案廣

雅本於春秋緯用春秋時職方九州之名本志則用戰

國秦漢國名蓋星占家因時立言無定名也惟一云樞

為雍州一云雍屬魁星蓋魁即天樞也一云搖光為豫

州一云豫州屬杓星杓又五至七之總名也御覽六引

大象列星圖作五主隋六主燕與本志亦異魁中四星爲貴人之牢曰天理

也輔星傳乎開陽所以佐斗成功羣書拾補曰輔下脫一字隋志此文多

當是後來增益丞相之象也七政星明其國昌輔星明則臣彊

杓南三星及魁第一星西三星皆曰三公主宣德化調

七政和陰陽之官也

文昌六星在北斗魁前天之六府也主集計天道隋志計作

記御覽六大象列星圖曰文昌六星在北斗魁前如匡形故史遷曰斗魁戴匡其第六星名曰司祿此天之府

計集所會也石氏星經曰文昌六星如半月形斗魁前爲天府案本志下文作四日司祿六日司寇列星圖云

第六星爲四星之第一曰上將大將軍建威武二曰次將尙書正

左右三曰貴相太常理文緒四曰司祿漢志作四司中

司隸賞功進五日司命

漢志作五司祿

司怪太史主滅咎六

日司寇

御覽六引石氏星經作第六名司法又大象列星圖作其第六星名日司祿

大理佐

理寶所謂一者起北斗魁前近內階者也明潤大小齊

天瑞臻

御覽六石氏星經日星光潤則天下安

文昌北六星日內階天皇

之階也

隋志作天皇之陞

相一星在北斗南相者總領百司而

掌邦教以佐帝王安邦國集眾事也

御覽六大象列星圖日輔一星附北

斗杓第六星大臣之象也占欲其小而明則臣不任職若明大與斗

合者則國兵暴起案輔一星即相一其星明吉太陽守

一星在相西大將大臣之象也主戒不虞設武備西北

四星日勢勢腐刑人也

御覽六大象列星圖日勢四星在太陽西北主刑餘人而用事

者也古以不明爲吉若明則闇官用權天文考異曰按  
不氏星經勢四星助宣王命內常侍官也甘氏星簿讚  
勢不專事相命御之注云勢者官也謂刑餘之人凡此  
諸說皆誤也河圖曰河導崑崙崙名地首上爲權執星周  
禮考工注曰執音勢古勢字勢星卽權執星也勢四星  
在斗魁下徐整長曆曰北斗當崑崙上氣運注天下則  
其上爲權勢星卽勢星也權勢爲王者臨  
御之柄勢四星象之詎可以府刑解乎 天牢六星在

北斗魁下貴人之牢也太微天子庭也五帝之坐也十

二諸侯府也

隋志十二上有亦字書鈔一百五十天官星古曰太微者天閤也南端門間十星分

爲左右掖太微之宮天子之宮帝王之座張衡靈憲云  
太微爲五帝之庭御覽六大象列星圖曰太微宮垣十  
星在翼軫北主天子之宮庭  
五帝之佐十二諸侯府也 其外蕃九卿也一曰太微

爲衡

羣書拾補曰通志一日下有軒轅爲權四字此脫

衡主平也又爲天庭理

法平辭監升授德列宿受符諸神考節舒情稽疑也南



蕃中二星閒曰端門東曰左執法廷尉之象也西曰右  
執法御史大夫之象也執法所以舉刺凶姦者也左執  
法之東左掖門也右執法之西右掖門也東蕃四星南  
第一曰上相其北東太陽門也第二星曰次相其北中  
華東門也第三星曰次將其北東太陰門也第四星曰  
上將所謂四輔也西蕃四星南第一星曰上將其北西  
太陽門也第二星曰次將其北中華西門也第三星曰  
次相其北西太陰門也第四星曰上相亦曰四輔也羣書  
拾補曰亦日之東西蕃有芒及動搖者諸侯謀執法移  
日字衍隋志無刑罰尤急羣書拾補曰謀下脫天子也月五星入太微  
三字移下脫則字隋志有

軌道吉其所犯中坐成刑其西南角外三星曰明堂天

子布政之宮

羣書拾補曰宮下脫也字

明堂西三星曰靈臺觀臺也

主觀雲物察符瑞候災變也左執法東北一星曰謁者

主贊賓客也謁者東北三星曰三公內坐朝會之所居

也三公北三星曰九卿內坐治萬事

羣書拾補曰九卿坐上脫主字

西五星曰內五諸侯內侍天子不之國也辟雍之禮得

則太微諸侯明

黃帝坐在太微中

羣書拾補曰坐脫一星二字

含樞紐之神也天子

動得天度止得地意從容中道則太微五帝坐明以光

黃帝坐不明人主求賢士以輔法不然則奪勢四帝星

俠黃帝坐

羣書拾補曰四帝下脫坐四二字隋志有俠隋志作夾

東方蒼帝靈威

仰之神也南方赤帝赤熒怒之神也西方白帝白招矩

之神也

隋志矩作距

北方黑帝叶光紀之神也五帝坐北一

星曰太子帝儲也太子北一星曰從官侍臣也帝坐東

北一星曰幸臣屏四星在端門之內近右執法屏所以

壅蔽帝庭也執法主刺舉臣尊敬君上則星光明潤澤

即位十五星在帝坐東北一日依烏郎府也

隋志府作位

周

官之元士漢官之光祿中散諫議議郎三署郎中是其

職也郎主守衛也

隋志是其職也下有或曰今之尙書也七字郎下有位字守衛作衛守元

本作衛守與隋志同

其星不具后妃死幸臣誅星明大及客星入

之大臣爲亂郎將在郎位北

羣書拾補曰將下脫一星二字

主閱具所

以爲武備也武賁一星在太微西蕃北下台南靜室旄

頭之騎官也常陳七星如畢狀在帝坐北天子宿衛武

賁之士以設彊禦也

隋志禦作毅

星搖動天子自出明則武

兵用微則兵弱

羣書拾補曰則下脫武字

三台六星兩兩而居起文

昌列抵太微

隋志列抵太微作厯招搖太微

一曰天柱三公之位也在

人曰三公在天曰三台

書鈔一百五十荆州星占曰三台者諸侯也名曰天柱三公之

位也主開德宣符也西近文昌二星曰上台爲司命主壽

次二星曰中台爲司中主宗室東二星曰下台爲司祿

主兵所以昭德塞違也又曰三台爲天階太一躡以上

下一曰泰階上階上星爲天子下星爲女主中階上星爲諸侯三公下星爲卿大夫下階上星爲士下星爲庶人所以和陰陽而理萬物也君臣和集如其常度御覽五春秋元命苞曰三台星色齊君臣和有變則占其人羣書拾補曰當從通占之拾補識語曰案此語與論語識上台上星主充豫云云非其故以占其邦甘氏三能不見有亾主以其日占其國同南四星曰內平近職執法平罪之官也御覽二百列無庸更三十一天文錄曰平星主建延平主平天下之獄中台事若令廷尉之象故星讚曰平星執法正綱紀也之北一星曰太尊貴戚也

攝提六星直斗杓之南主建時節伺祲祥攝提爲楯以夾擁帝座也

隋志座作席書鈔一百五十天官星古曰攝提者一名環樞一名闕兵也荊州星古

日攝提東向天下無事主九卿明大三公恣客星入之聖人受制

西三星曰周鼎主流亡大角在攝提閒羣書拾補曰大角下脫一星二字

大角者天王座也又爲天棟正經紀也北三星曰帝

席主宴獻酬酢北三星曰梗河天矛也一日天鋒主胡

兵又爲喪故其變動應以兵喪也星亡其國有兵謀其

北一星曰宋元本無曰字招搖一曰矛楯其北一星曰立戈皆

主胡兵書鈔一百五十天官星占曰招搖者常陽也荆

搖光澤天下安寧御覽六石氏星經曰招搖一星在梗河北主遠狄芒角則兵起占與梗河略

相類也招搖與北斗杓閒曰天庫星去其所則有庫閒

之祥也招搖欲與棟星梗河北斗相應則胡當來受命

於中國玄戈又主北夷客星守之胡大敗天槍三星在

北斗杓東一曰天鉞天之武備也

書鈔一百五十荆州星占曰天鉞一名天

鉞故在紫宮之左所以禦難也女牀三星在紀星北

隋志

作在後宮御也主女事天棊五星在女牀北天子先驅

也主分爭與刑罰

隋志分作忿

藏兵亦所以禦難也槍棊皆

以備非常也一星不具其國兵起東七星曰扶筐盛桑

之器主勸蠶也七公七星在招搖東天之相也三公之

象也主七政貫索九星在其前賤人之牢也

史記天官書曰有句

圖十五星屬杓賤人之牢索隱曰其形如連環即貫索

星也御覽六引石氏星經作貫索九星在七公前為賤

人牢口又六百四十三引韓陽天文要集作貫索貴一

人繫燭一覽新刻硬錄之牢中星實則四多虛則開出

日連索一日連營一日天牢主法律禁暴彊也牢口一

星爲門欲其開也

御覽六大象列星圖曰牢口一星爲門門欲開開卽有赦星總見獄事繁

九星皆明天下獄煩七星見小赦六星五星大赦動則

斧鑕用中空則更元漢志云十五星天紀九星在貫索

東九卿也主萬事之紀理怨訟也明則天下多辭訟亡

則政理壞國紀亂散絕則地震山崩織女三星在天紀

東端天女也主果蓏絲帛珍寶也王者至孝神祇咸喜

則織女星俱明天下和平大星怒角布帛貴東足四星

日漸臺臨水之臺也主晷漏律呂之事

御覽六大象列星圖曰漸臺四

星屬織女左足主晷刻律呂占若明正則陰陽調而律

呂和不然則否也案隋志東足作東之以列星圖左足



證之當以東足為是下文西足五星隋志亦謬作西之西足五星日輦道王者嬉

游之道也漢輦道通南北宮其象也左右角閒二星曰

平道之官平道西一星曰進賢主卿相舉逸才御覽六

星圖曰進賢一星在大微宮東華門東平道之西主訪

賢薦士也占若明則賢人進若不明則否也羣書拾補

日輦道今依隋志補之於下角北二星曰天田亢北六

星曰亢池亢舟航也池水也主送往迎來兵其北一星

曰天乳主甘露房中道一星曰疑有歲守之陰陽平房

西二星南北列曰天福主乘輿之官若禮巾車掌服

春官公車之政本書有主祠事祀七十五字下按東咸

輦拾補識語曰房中道下補日字占經引甘氏日一星

在房中道前又引荊州占歲星亢東咸西咸各四星在

守日星王者得忠臣陰陽平房心北日月五星之道也房之戶所以防淫佚也星明

則吉月五星犯守之有陰謀羣書拾補日陰謀下脫東

咸西三星南北列日罰星

主受金照鍵閉一星在房東北近鉤鈴主關籥天市垣

二十二星在房心東北主權衡主聚眾一日天旗庭主

斬戮之事也市中星眾潤澤則歲實熒惑守之戮不忠

之臣御覽七荆州星占曰市天子旗幟也大明則糴賤

羣書拾補曰歲實下脫星稀則歲虛五字戮不忠有有脫臣殺主十三字彗星除之爲徙市易都客

星入之兵大起出之有貴喪羣書拾補曰下脫市中六

市價律度其陽爲金錢其陰爲珠玉變見各以所主占

之北四星曰天斛主量者也斛西北二星曰列肆主寶

玉之貨市門左星內二星曰帝坐一星在天市中候星

西天庭也光而潤則天子吉威令行羣書拾補曰下脫

字七候一星在帝坐東北主伺陰陽也明大輔臣疆四夷

開侯細微則國安亡則主失位移則不安

羣書拾補曰則下脫主字

宦者四星在帝坐西南侍主刑餘之人也星微吉非其

常宦者有憂

御覽六  
大象列星圖曰宦者四星次帝座西南主侍者帝旁閹人也占以不明則吉

若明則內臣專權羣書拾補曰微字下脫則字吉字下

脫明則凶三字宦者有憂下脫斗五星在宦者南主平

量仰則天下斗斛不宗正二星在帝坐東南宗大夫也

彗星守之若失色宗正有事客星守之更號令也宗人

四星在宗正東主錄親疎享祀族人有序則如綺文而

明正動則天子親屬有變客星守之貴人死宗星二在

候星東宗室之象帝輔血脉之臣也客星守之宗支不

和

隋志支作人羣書拾補曰不和下脫東北二星曰

天

江四星在尾北主太陰江星不具天下津河關道不通

明若動搖大水出大兵起參差則馬貴熒惑守之有立

王羣書拾補曰客星入之河津絕天籥八星在南斗柄

西隋志柄主關閉建星六星在南斗北亦曰天旗天之

都關也為謀事為天鼓為天馬南二星天庫也中央二

星市也鈇鑕也上二星旗跗也斗建之間三光道也星

動則眾勞月暈之蛟龍見牛馬疫月五星犯之大臣相

譖有謀隋志作亦為關梁不通有大水東南四星曰狗

國主鮮卑烏丸沃且熒惑守之外夷為變羣書拾補曰

守之其國亂客星犯守之狗國北二星曰天雞主候時

有大盜其大且來二十字

書鈔一百五十荆州星占日瓠瓜一名天雞瓠瓜明則歲熟天弁九星在建星北市

官之長也以知市珍也

羣書拾補曰市官之長也下脫主列肆闕闕若市籍之事十字

星欲明吉彗星犯守之糴貴囚徒起兵河鼓三星旗九

星在牽牛北天鼓也主軍鼓主鈇鉞一日三武主天子

三將軍中央大星爲大將軍左星爲左將軍右星爲右

將軍左星南星也所以備關梁而距難也設守阻險知

謀徵也旗卽天鼓之旗所以爲旌表也左旗九星在鼓

左旁鼓欲正直而明色黃光澤將吉不正爲兵憂也

羣書

拾補曰憂或作變

星怒馬貴動則兵起曲則將失計奪勢旗星

差戾亂相陵旗端四星南北列曰天桴鼓桴也

隋志重桴字

星不明漏刻失時前近河鼓若桴鼓相直皆爲桴鼓用

離珠五星在須女北須女之藏府女子之星也羣書拾補曰藏

府下脫也字女子之星也下脫星非故後宮亂客星犯

之後宮凶虛北二星日司命又命北二星日司祿又

北二星日司危又北二星日司非司命主舉過行罰滅

不祥司祿增年延德故在六宗之祀司危主驕佚亡下

司非以法多就私瓠瓜五星在離珠北主陰謀主後宮

主果食明則歲熟微則歲惡后失勢非其故則山搖谷

多水旁五星日敗瓜天津九星橫河中一日天漢一日

主種一百二十二字天津九星橫河中一日天漢一日

天江主四瀆津梁所以度神通四方也一星不備津闕

道不通羣書拾補曰下脫星明動則兵起如流沙死人

害或曰水賊稱王也東近河邊七星日車府主車之官

也車府東南五星日人星主靜眾庶柔遠能邇一日臥

星主防淫其南三星內析東南四星日杵日主給軍糧

客星入之兵起天下聚米天津北四星如衡狀日奚仲

古車正也一騰蛇二十二星在營室北天蛇也主水蟲

百十七字羣書拾補曰下脫星明則不安客星守之雨水為災水物不收十七字王良五星在奎北

居河中天子奉車御官也其四星曰天駟旁一星曰王

良亦曰天馬其星動為策馬策車騎滿野亦曰梁為天

橋羣書拾補曰下策字衍主禦風雨水道故或占車騎

或占津梁客星守之橋不通道羣書拾補曰或占津梁

馬病九字前一星曰策星王良之御策也主天子之僕在王

良旁若移在王良前居馬後是謂策馬羣書拾補曰王良前居四字衍

則車騎滿野閣道六星在王良前飛道也從紫宮至河

神所乘也一日閣道星天子游別宮之道也羣書拾補曰星字衍

隋志作主道里別宮之道也下脫亦曰閭道所以扞難  
滅咎也一日王良旗一日紫宮旗亦所以爲旌表而不  
欲其動搖旗星者傳路一星在閭道南旁別道也宋書  
志曰附路一星在閭道南一日在王良東羣書拾補日  
下脫備閭道之敗復而乘之也一日大僕主禦風雨亦  
遊從之義東壁北十星曰天廡主馬之官若今驛亭也  
也廿四字

主傳令置驛逐漏馳驚謂其行急疾與晷漏競馳也天

將軍十二星在婁北主武兵中央大星天之大將也羣

拾補曰下脫外小星吏士也大將星搖南一星曰軍南  
兵起大將出小星不具兵發二十一字

門主誰何出入太陵八星在胃北亦曰積京羣書拾補  
曰下脫陵

者墓也太陵卷主大喪也積京中星眾則諸侯有喪民  
舌之口十字

多疾兵起羣書拾補曰下脫粟聚少則粟太陵中一星  
散下似星守之有土功十二字



曰積尸明則死人如山

書鈔一百五十  
荆州星占曰大

喪也王真也御覽七  
天文錄曰積尸大  
陵之尸北九星

也石氏曰積尸明有大喪死人如立邱山也

羣書拾補曰天船下

曰天船一曰舟星所以濟不通也

脫主度二字不通也下脫亦主水旱不在漢中津河

不通中四星欲其均明即天下大安不則兵若喪客

星出入之爲大中一星曰積水候水灾昴西二星曰天

街三光之道主伺候關梁中外之境

御覽六  
大象列星

畢昴間主國界也街南爲華夏之國街北爲戎夷之國

羣書拾補曰中外之境下脫天街西一星日月七字

卷舌六星在昴北主口語以知佞讒也曲吉直而動天

御覽六石氏星經曰卷舌六星在昴北

下有口舌之害主讒佞言語之吏若移動多口舌兵起

舌直天下口舌繁天下兵亂星少中一星曰天讒主巫

兵廢羣書拾補曰曲下脫者字

醫

御覽六石氏星經曰天護星在卷舌中亦主誹謗

五車五星三柱九星在畢

北

書鈔一百五十荆州星占曰五車一名倉庫五車內有三柱星若星不見兵盡起

五車者五

帝車舍也五帝坐也主天子五兵一曰主五穀豐耗西

北大星曰天庫主太白血秦次東北星曰獄主辰星主

燕趙次東星曰天倉主歲星主魯衛次東南星曰司空

主填星主楚次西南星曰卿星主熒惑主魏五星有變

皆以其所主

宋元本無主字

占之三柱一曰三泉

羣書拾補曰下脫一曰休

一曰旗五車星欲均明闊狹有常也十七字

天子得靈臺之禮則五車三柱

均明有常其中五星曰天潢天潢南三星曰咸池魚圍

也

史記天官書曰咸池曰天潢五帝車舍淮南子天文訓曰咸池者水衡之圃也高注曰咸池星名

月

五星入天潢兵起道不通天下亂

羣書拾補曰下脫易政成池明有龍墮死

猛獸及狼害人

若兵起十八字五車南六星曰諸王察諸侯存亡其西

八星曰八穀

羣書拾補曰其西下脫五星曰厲石金若客星守之兵動北十四字

主候歲

八穀一星亡一穀不登天關一星在五車南亦曰天門

日月之所行也主邊事主關閉

羣書拾補曰隋志作開是

芒角有兵

五星守之貴人多死東井鉞前四星曰司怪主候天地

日月星辰變異及鳥獸艸木之妖明主聞災修德保福

也司怪西北九星曰坐旗君臣設位之表也坐旗西四

星曰天高臺榭之高主遠望氣象天高西一星曰天河

主察山林妖變南河北河各三星夾東井一曰天高之

關門也主關梁南河曰南戌

羣書拾補曰天高下脫天關隋志作闕非考證案天

官書戌當作戌即鉞字下北戌河戌並同

一曰南宮一曰陽門一曰越門一

曰權星主火北河曰北戌一曰北宮一曰陰門一曰胡

門一曰衡星主水兩河戌開日月五星之常道也河戌

動搖中國兵起南河南三星曰關上主宮門外象魏也

御覽六石氏星經曰關上二星在南河主天子門闕諸侯之兩觀也案石氏言門闕兩觀似當作二星本志謬

二爲三也五諸侯五星在東井北主刺舉戒不虞又曰理陰

陽察得失亦曰主帝心一曰帝師二曰帝友三曰三公

四曰博士五曰太史此五者常爲帝定疑議星明大潤

澤則天下大治芒角則禍在中五諸侯南三星曰天樽

主盛饘粥以給貧餒積水一星在北河西北水河也所

以供酒食之正也積薪一星在積水東北隋志無北字供庖

廚之正也水位四星在積薪東主水衡客星若水火守

犯之百川流溢軒轅十七星在七星北軒轅黃帝之神

黃龍之體也后妃之主士職也御覽六大星列星圖曰

如龍之體主雷雨之神後宮之象陰陽交感震為雷激

為電和為雨怒為風亂為霧凝為霜散為露聚為雲氣

立為虹蜺離為背商分為抱一曰東陵書鈔一百五十

珥此十四變皆軒轅主之荆州星占曰東

井一星名東陵一日權星主雷雨之神南大星女

主也次北一星夫人也屏也上將也次北一星妃也次

將也其次諸星皆次妃之屬也女主南小星女御也左

一星少民后宗也右一星大民太后宗也欲其色黃小  
而明也軒轅右角南三星曰酒旗酒官之旗也主宴饗  
宋本作饗宴飲食五星守酒旗天下大醺有酒肉財物賜若  
爵宗室酒旗南三星曰天相丞相之象也軒轅西四星  
曰耀耀者烽火之耀也邊亭之警候耀北四星曰內平  
平罪之官明刑罰少微四星在太微西士大夫之位也  
一名處士亦天子副主或曰博士官一曰主衛掖門南  
第一星處士第二星議士第三星博士第四星大夫明  
大而黃則賢士舉也月五星犯守之處士女主憂宰相  
易南四星曰長垣主界域及胡夷熒惑入之胡入中國

太白入之九卿謀

二十八舍

東方角二星爲天關

書鈔一百五十春秋佐助期日角爲天門左角神名其名芳右角神

名其光華羣書拾補日關隋志作闕是

其開天門也其內天庭也故黃道

經其中七曜之所行也左角爲天田爲理主刑其南爲

太陽道右角爲將主兵其北爲太陰道蓋天之三門猶

房之四表其星明大王道太平賢者在朝動搖移徙王

者行亢四星天子之內朝也總攝天下奏事聽訟理獄

錄功者也一日疏廟主疾疫星明大輔納忠天下宣

羣書

拾補曰下脫人無疾疫動則多疾八字

氏四星王者之宿宮后妃之府休

解之房前二星適也後二星妾也後二星大則臣奉度

羣書拾補曰妾也下脫將有徭役之事氏先勤九字房下後二二字衍星下脫明字度下脫人無勞三字

四星爲明堂天子布政之宮也亦四輔也下第一星上

將也次次將也次次相也上星上相也南二星君位北

二星夫人位又爲四表中閒爲天衢爲天關隋志關作闕黃

道之所經也南閒曰陽環其南曰太陽北閒曰陰閒其

北曰太陰七曜由乎天衢則天下平和由陽道則旱喪

由陰道則水兵隋志則下均有主字亦曰天駟爲天馬主車駕南

星曰左驂次左服次右服次右驂亦曰天廐又主開閉

爲畜藏之所由也房星明則王者明驂星大則兵起星



離民流

羣書拾補曰  
離下脫則字

又北二小星曰鉤鈴房之鈴鍵天

之管籥主閉鍵天心也明而近房

書鈔一百五十  
星占曰鉤鈴二星一

名箕一名天駟天子之座也羣書拾補曰  
字天心也下脫王者孝則鉤鈴六字隋志明下無而字

天下同心房鉤鈴間有星及疎圻則地動河清心三星

天王正位也中星曰明堂天子位爲大辰主天下之賞

罰天下變動心星見祥星明大天下同前星爲太子後

星爲庶子心星直則王失勢

羣書拾補曰天下同下脫  
暗則主暗四字庶子下脫

後星明庶子代六字心星下脫變黑大人有憂六字失  
勢下脫動則國有憂急角搖則有兵離則人流十五字

尾九星後宮之場妃后之府上第一星后也次三星夫

人次星嬪妾第三星傍一星名曰神宮解衣之內室尾

亦爲九子星色欲均明大小相承則後宮有敘多子孫

羣書拾補曰下脫星微細暗后有憂疾疎遠后失勢箕

四星亦後宮妃后之府亦曰天津一曰天雞主八風凡

日月宿在箕東壁翼軫者風起又主口舌主客蠻夷胡

貉故蠻胡將動先表箕焉羣書拾補曰下脫星大明直

則穀熟內外有差就聚細微天下憂動則蠻夷有使來離徙則

人流動不出三日大風三十七字

北方南斗六星天廟也丞相太宰之位主褒賢進士稟

授爵祿又主兵御覽六大星圖曰南斗六星去牽

牛二十六度四分之一爲天廟丞相太宰之位主薦賢良

授爵祿又主兵機一曰天機南二星魁天梁也中央二

星天相也北二星天府庭也亦爲壽命之期也御覽六

引大象

列星圖作北二星天廚庭羣書拾補曰將有天子之事

二星下脫杓字亦爲下脫天子二字

占於斗斗星盛明王道平和爵祿行羣書拾補曰下脫

兵起移徙其率牛六星天之關梁主犧牲事其北二星

臣逐十四字

一日卽路一日聚火又日上一星主道路次二星主關

梁次三星主南越搖動變色則占之星明大王道昌關

梁通羣書拾補曰下脫牛貴怒則馬貴不明失常穀不

又日率牛星動須女四星天少府也須賤妾之稱婦職

爲牛災四十字

之卑者也主布帛裁製嫁娶羣書拾補曰下脫星明天

則國藏虛動則有嫁娶出虛二星豕宰之官也主北方

納裁製之事二十八字

邑居廟堂祭祀祝禱事又主死喪哭泣日知錄曰按此

豕宰當作豕人

或以公羊傳宰上之木又曰軫四星彖宰輔臣也  
則周官之彖宰矣羣書拾補曰邑居上脫主字 危三

星主天府天市架屋餘同虛占隋志天市作天庫羣書拾補曰虛占下脫星不

明客有誅動則王者作 墳墓四星屬危之下主死喪哭  
宮殿有土功十六字

泣為墳墓也羣書拾補曰下脫星不明 營室二星天子

之宮也一日立宮一日清廟又為軍糧之府及土功事

星明國昌小不明祠祀鬼神不享羣書拾補曰下脫國

兵出野 離宮六星天子之別宮主隱藏休息之所東壁

十二星主文章天下圖書之祕府也星明王者興道術行

國多君子星失色大小不同王者好武經士不用圖書

隱星動則有土功御覽六六大象列星圖曰東壁二星去

營室十六度天子圖書之祕府也占

若明則圖書集道術行小人退君子入若不然則天子  
好武臣賤文士稽古忠正之臣隱親黨邪曲之人用也  
羣書拾補曰祕府也下脫又當無主土功四  
字則有土功下脫離往就聚爲田宅事八字

西方奎十六星天之武庫也一曰天豕亦曰封豕主以

兵禁暴又主溝瀆西南大星所謂天豕目亦曰大將欲

其明

羣書拾補曰下脫若帝淫泆政不平則奎有角角  
動則有兵不出年終或有溝瀆之事又曰奎中星

明水大出  
三十五字

婁三星爲天獄主苑牧犧牲供給郊祀

羣書拾補

曰下脫亦爲興兵聚眾星明天下平和郊祀大享多子  
孫動則有聚眾星直則有執主之命者就聚國不安三

十八

胃三星天之廚藏主倉廩五穀府也明則和平

羣書

拾補曰下脫倉實動則有輸運  
事就聚則穀貴人流十五字

昂七星天之耳目也主

西方主獄事又爲旄頭胡星也昂畢閒爲天街天子出

旄頭罕畢以前驅爾雅釋天曰西陸昂也郭注曰昂西

頭胡星也為白衣會書鈔一百五十荆州星占曰昂畢

之閒五星所游一名天街一名旄頭御覽七星讚曰昂

主獄事典治囚也又胡星也一日旄頭旄頭者天執罕

畢前驅者之所罰也羣書拾補曰胡星也下脫又主喪

三此其義也黃道之所經也昂明則天下牢獄平昂六

星皆明與大星等大水七星皆黃兵大起一星亡為兵

喪搖動有大臣下獄及有白衣之會大而數盡動若跳

躍者胡兵大起羣書拾補曰下脫一星獨跳躍餘畢八

星主邊兵主弋獵其大星曰天高一曰邊將主四夷之

尉也星明大則遠夷來貢天下安失色則邊兵亂羣書

拾補

日下脫一星亡為兵喪動搖邊城兵起有讒附耳一星

臣離徙天下獄亂就聚法令酷二十六字

在畢下主聽得失伺愆邪察不祥星盛則中國微有盜

賊邊候驚外國反移動佞讒行

羣書拾補曰反下脫闕兵連年若五字行下脫

兵大起邊尤甚六字

月入畢多雨背觸三星爲三軍之候行軍之

藏府主葆旅收斂萬物明則軍儲盈將得勢

羣書拾補曰下脫動

而明盜賊羣行葆旅起動移將有逐者十六字

參十星一日參伐一日大辰一

日天市一日鈇鉞主斬刈又爲天獄主殺伐又主權衡

所以平理也又主邊城爲九譯故不欲其動也參白獸

之體其中三星橫列三將也東北曰左肩主左將西北

曰右肩主右將東南曰左足主後將軍西南曰右足主

偏將軍故黃帝占參應七將中央三小星曰伐天之都

尉也主胡鮮卑戎狄之國故不欲明七將皆明大天下  
兵精也王道缺則芒角張伐星明與參等大臣皆謀兵  
起參星失色軍散敗參芒角動搖邊候有急兵起有斬  
伐之事

羣書拾補曰有急下脫天下二字兵起下脫又曰二字

參星移客伐主參

左足入玉井中兵大起秦大水若有喪山石爲怪參星  
差戾王臣貳

南方東井八星天之南門黃道所經天之亭候主水衡  
事法令所取平也王者用法平則井星明而端列鉞一  
星附井之前主伺淫奢而斬之故不欲其明明與井齊  
則用鉞於大臣月宿井有風雨與鬼五星天目也主視



明察姦謀東北星主積馬東南星主積兵西南星主積

布帛西北星主積金玉隨變占之中央星爲積尸主死

喪祠祀一曰鈇鎖主誅斬鬼星明大穀成不明百姓散

羣書拾補曰下脫動而上賦敘重徭役多星徙人愁政令急魁軒有十七字鑽欲其忽忽

不明羣書拾補曰下脫則安二字明則兵起大臣誅柳八星天之

廚宰也主尙食和滋味又主雷雨羣書拾補曰下脫若

一日天庫一日注又主木功星明大臣重慎國安廚食具注舉首王命與輔佐出星直天下謀伐其主星就聚

兵滿國門五十五字七星七星一名天都主衣裳文繡又主急兵

盜賊故羣書拾補曰故星明王道昌闇則賢良不處天

下空羣書拾補曰下脫天子疾動張六星主珍寶宗廟

則兵起離則易政十一字

所用及衣服又主天廚飲食賞賚之事星明則王者行

五禮得天之中

羣書拾補曰下脫動則賞賚移徙天下有逆人就聚有兵十五字

翼二

十二星天之樂府俳倡

羣書拾補曰府下脫主字倡下脫戲樂二字

又主夷

狄遠客負海之賓星明大禮樂興四夷賓動則蠻夷使

來離徙則天子舉兵軫四星主彖宰輔臣也主車騎主

載任有軍出入皆占於軫又主風主死喪軫星明則車

駕備動則車駕用

隋志駕作騎羣書拾補曰下脫離徙天子憂就聚兵大起十字

轄星

傳軫兩傍主王侯左轄爲王者同姓右轄爲異姓星明

兵大起遠軫凶轄舉南蠻侵

隋志轄上有軫字

長沙一星在軫

之中主壽命明則主壽長子孫昌又曰車無轄國有憂

羣書拾補曰此六字隋志在南蠻侵之下此繫於長沙星之後失其次矣下轄軫一作就聚兵大起六字隋志無今案當一併移於軫就聚兵大起上去又日二字

星官在二十八宿之外者

周家祿校勘記曰當照子目作二十八宿外星

庫樓十星六大星爲庫南四星爲樓在角南

御覽六石氏星經曰

庫樓十五里在左角南器府

東羣書拾補曰六上脫其字一日天庫兵車之府也旁

十五星三三而聚者柱也中央四小星衡

宋元本皆作街

也主

陳兵

羣書拾補曰下脫又日天庫空則兵四合九字

東北二星曰陽門主守隘

塞也南門二星在庫樓南天之外門也主守兵平星二

星在庫樓北平天下之法獄事廷尉之象也天門二星

在平星北亢南七星曰折威主斬殺頓頑二星在折威

東南主考囚情狀察詐僞也騎官二十七星在氐南若

天子武賁主宿衛東端一星騎陣將軍騎將也五禮通考一百

九十三日案星經作車騎將軍晉隋二志俱南三星車

作騎陣將軍惟宋志止稱將軍與步天歌合騎車騎之將也日將疑象陣車三星在騎官東北革車

也積卒十二星在房心南主爲衛也他星守之近臣誅

從官二星在積卒西北龜五星在尾南主卜以占吉凶

五禮通考一百九十三日傳說一星在尾後傳說主章

案五星星經作六星疑誤祝巫官也御覽六大象列星圖日傳說一星在尾後河

允占若大而明則後宮多禱祈羣書拾補日巫官也下

脫章請號之聲也主王后之內祭祀以祈子孫廣求也星明大王者多子孫四十三字魚一星在尾後河

中主陰事知雲雨之期也

羣書拾補曰下脫星不明則魚多亡若魚少動搖則大水

暴出出漢中則大

杵三星在箕南杵給庖春客星入杵

魚多死二十五字

御覽六大象列星圖曰內杵三星在人星

曰天下有急

旁王軍糧占若正月杵對曰口則吉若偏

與日不相當

糠星

隋志星上在箕舌前杵西北鼈十四

星在南斗南鼈為水蟲歸太陰有星守之白衣會主有

水令農丈人一星在南斗西南老農主穡也

御覽六大

日農丈人一星在南斗南主農正官也占明則為

狗二

豐稔若暗則為飢歉羣書拾補曰稽上脫稼字

星

星在南斗魁前主吠守天田九星在牛南羅堰九星

通考一百九十三日羅堰星經云二星羣書拾補曰案

通志作三與丹元子宋史並合拾補識語曰案古經古

今同三星知此亦三在牽牛東岨馬也以壅蓄水潦灌

溉溝渠也九坎九星在牽牛南坎溝渠也所以導達泉

源疏盈瀉益羣書拾補日隋志作疏通溝洫也九坎閒

十星曰天池一曰三池一曰天海主灌溉田疇事羣書拾補

日下脫九坎東列星北一星曰齊齊北二星曰趙趙北

一星曰鄭鄭北一星曰越越東二星曰周周東南北列

二星曰秦秦南二星曰魏魏西一星曰晉晉北一星曰

韓韓北一星曰魏魏西一星曰楚楚南一星曰燕其星

有變各以其國魏魏西一星曰楚楚南一星曰燕其星離圭衣也補王飾皆婦人之服星也一百十二字虛

南二星曰哭哭東二星曰泣泣哭皆近墳墓泣南十三

星曰天壘城如貫索狀主北夷丁零匈奴羣書拾補日下脫敗日四

星在虛危南知凶災他南二星曰蓋屋治宮室之官也

星守之饑兵起十八字

羣書拾補日其南四星曰虛梁園陵寢廟之所也隋志

治上脫主字

園上

有主字羣書拾補日之所也隋志作非人所處故曰虛  
梁此下尚有室南二星日雷電室西南二星日土功吏  
主司過度壁南二星日土公土公西南五星日磬礪羽  
磬礪南四星日雲雨皆在壘壁北隋志補四十九字  
林四十五星在營室南一日天軍主軍騎又主翼王也  
御覽六大象列星圖日羽林四十五星三三而聚在壁  
壘南主天軍占若星聚明則國安益若星稀而動搖則  
出兵革壘壁陣十二星在羽林北羽林之垣壘也主軍衛

爲營壅也

隋志衛作位

五星有在天軍中者皆爲兵起熒惑

太白辰星尤甚北落師門一星在羽林西南北者宿在  
北方也落天之藩落也師眾也師門猶軍門也長安城  
北門曰北落門以象此也

隋志此作北

主非常以候兵有星

守之虜入塞中兵起其西北有十星曰天錢

御覽六大象列星圖





所謂御廩此之象也

御覽六石氏星經曰天稟四星在昴南主積聚黍稷供享祀及御膳

星明豐暗儉羣書拾補日象亦作謂

天苑十六星在昴畢南天子之苑囿

養獸之所也

御覽六石氏星經曰天苑十六星在昴畢南如環狀天子苑囿五星守苑牛馬死羣

書拾補日獸上脫禽字之所也下脫主馬牛羊星明則牛馬盈希則死苑西六星日芻藁以供牛馬之食也一

日天積天子之藏府也星盛則苑南十三星曰天園植歲豐穰希則貨財散四十八字

果菜之所也畢附耳南八星曰天節主使臣之所持者

也天節下九星曰九州殊口曉方俗之官通重譯者也

羣書拾補曰下脫畢柄西五星曰天陰八字

參旗九星在參西一曰天旗一

曰天弓主司弓弩之張候變禦難

御覽六石氏星經曰參旗九星在參畢間

一曰天弓星不欲明則白衣會邊兵動

玉井四星在參左足下主水漿以

給廚

御覽六大象列星圖曰玉井四星在參西主水泉

西南九星曰九游天子

之旗也玉井東南四星曰軍井行軍之井也軍井未達

將不言渴名取此也

羣書拾補曰下脫屏二星在玉井南屏爲屏風客星入之四星是燕太

疾天廟四星在屏東涸也主觀天下疾病天矢一星在廟南色黃則吉他色皆凶五十字軍市十三

星在參東南天軍貿易之市使有無通也野雞一星主

變怪在軍市中軍市西南二星曰丈人丈人東二星曰

子子東二星曰孫東井西南四星曰水府主水之官也

東井南垣之東四星曰四瀆江河淮濟之精也狼一星

在東井東南狼爲野將主侵掠色有常不欲動也

羣書拾補

日動上脫變字

北七星曰天狗主守財

御覽八百七十五河圖稽耀鉤曰太白散爲天

狗主候兵五禮通考一百九十四日晉志以天狗在狼北宋史引作天狗七星在七星北誤也弧九星

在狼東南天弓也主備盜賊常向於狼史記天官書日狼下有四星日

弧直狼五禮通考一百九十四日天官書四星與諸家不同御覽六引大象列星圖作主備賊盜常屬矢向狼

星弧矢動移不如常者多盜賊胡兵大起狼弧張害及

胡天下乖亂又曰天弓張天下盡兵羣書拾補日下脫主與臣相謀五字

弧南六星爲天社昔共工氏之子句龍能平水土故祀

以配社其精爲星老人一星在弧南一曰南極常以秋

分之旦見于景春分之夕而没于丁見則治平主壽昌

史記天官書日狼比地有大星日南極老人見治安類聚一御覽七孫氏瑞應圖日王者承天則老人星臨其

國御覽五春秋元命苞日直弧北有一大星爲老人星見則治平主壽亡則君危主亡常以秋分候之春秋文

耀鉤日老人星見則主安不見則兵起又八百七十二  
春秋文耀鉤曰王者安靜則老人星見又春秋運斗樞  
日王政和平則老人星臨國萬民以歌羣書拾補日隋  
志下有亡則君危代天六字疑誤引拾補春秋緯亡則君危  
天部附常以秋分候之南郊柳南六星日外廚廚南一  
大第

星日天紀主禽獸之齒稷五星在七星南稷農正也取

乎百穀之長以爲號也羣書拾補日張南十四星日天

廟天子之祖廟也客星守之祠官有憂翼南五星日東

區蠻夷星也軫南三十二星日器府樂器之府也青丘

七星在軫東南蠻夷之國號也讀史方輿紀要二十八

子虛賦秋獵於青邱蓋謂此服虔日青邱國在海東三  
百里晉天文志有青邱七星在軫東南唐討高麗置青

邱道行軍青丘西四星日土司空主界域亦日司徒土  
總管云

司空北二星曰軍門主營候彪尾威旗

羣書拾補曰彪  
隋志作豹當本

是虎改拾補識語曰案占  
經引巫咸讚正是虎尾

天漢起沒

天漢起東方經尾箕之間謂之漢津乃分爲二道其南

經傅說魚天籥

隋志籥  
作翕

天弁河鼓其北經龜貫箕下次

絡南斗魁左旗至天津下而合南道乃西南行又分夾

苑瓜

羣書拾補曰  
苑一作瓠

絡人星杵造父騰蛇王良傅路閣道

北端太陵天船卷舌而南行絡五車經北河之南入東

井水位而東南行絡南河闕丘天狗天紀天稷在七星

南而沒



而次之

自軫十二度至氏四度爲壽星於辰在辰鄭之分野屬

兗州費直周易分野壽星起軫七度

開元占經六十四引作自軫七度至

氏十度爲

壽星之次蔡邕月令章句壽星起軫六度

續漢律厯志注引作自軫

六度至亢八度謂之壽星之次白露秋分居之鄭之分野

自氏五度至尾九度爲大火於辰在卯宋之分野屬豫

州費直起氏十一度

開元占經六十四引作自氏十一度至尾八度爲大火

蔡邕

起亢八度

續漢律厯志注引自亢八度至尾四度謂之大火之次寒露霜降居之宋之分野

自尾十度至南斗十一度爲析木於辰在寅燕之分野

屬幽州

案漢志作自危四度至斗六度謂之析木之次燕之分野錢大昕云危當作尾蓋班志與費蔡

之說相合費直起尾九度開元占經六十四引作自尾九度至南斗九度為析木之津蔡

邕起尾四度續漢律厯志注引作自尾四度至斗六度謂之析木之次立冬小雪居之燕之分野

自南斗十二度至須女七度為星紀於辰在丑吳越之

分野屬揚州費直起斗十度開元占經六十四引作自南斗十度至須女六度謂

之星紀之次馬國翰案云蔡邕起斗六度續漢律厯志注引作自斗六度至須女二度謂之星

紀之次大雪冬至居之越之分野

自須女八度至危十五度為玄枵於辰在子齊之分野

屬青州費直起女六度開元占經六十四引作自須女六度至危十三度為元枵蔡

邕起女二度續漢律厯志注引作自須女二度至危十度謂之玄枵之次小寒大寒居之齊之分

野



自危十六度至奎四度爲諏訾於辰在亥衛之分野屬

并州費直起危十四度

開元占經六十四引作自危十四度至奎一度爲諏訾

蔡

邕起危十度

續漢律厯志注引作自危十度至壁八度謂之豕韋之次立春驚蟄居之衛之分野

自奎五度至胃六度爲降婁於辰在戌魯之分野屬徐

州費直起奎二度

開元占經六十四引作自奎二度至胃三度謂之降婁之次

蔡邕

起奎八度

續漢律厯志注引作自壁八度至胃一度謂之降婁之次雨水春分居之魯之分野

自胃七度至畢十一度爲大梁於辰在酉趙之分野屬

冀州費直起婁十度

開元占經六十四引作自胃四度至畢八度爲大梁

蔡邕起

胃一度

續漢律厯志注引作自胃一度至畢六度謂之大梁之次清明穀雨居之趙之分野

自畢十二度至東井十五度爲寶沈於辰在申魏之分

野屬益州費直起畢九度

開元古經六十四引作自畢九度至東井十一度為實沈

蔡邕起畢六度

續漢律厯志注引作自畢六度至井十度謂之實沈之次立夏小滿居之晉之

野分

自東井十六度至柳八度為鶉首於辰在未秦之分野

屬雍州費直起井十二度

開元古經六十四引作自東井十三度至柳四度為鶉首

蔡邕起井十度

續漢律厯志注引作自井十度至柳三度謂之鶉首之次芒種夏至居之秦之

野分

自柳九度至張十六度為鶉火於辰在午周之分野屬

三河費直起柳五度

開元古經六十四引作自柳五度至張十二度為鶉火

蔡邕

起柳三度

續漢律厯志注引作自柳三度至張十二度謂之鶉火之次小暑大暑居之周之分野

自張十七度至軫十一度爲鶉尾於辰在巳楚之分野

屬荊州費直起張十三度開元占經六十四引作自張十三度至軫六度爲鶉尾

蔡邕起張十二度續漢律厯志注引作自張十二度至軫六度謂之鶉尾之次立秋處暑居

之楚之分野

州郡躔次羣書拾補曰後人多言其誤然傳授有緒不可廢也案志中所列州郡如山陽淮陽楚國

漁陽右北平上郡涿郡廣陽九江泗水六安北海菑川膠東信都真定益州雲中定襄皆非晉時郡國蓋承用漢人舊說也

陳卓范蠡鬼谷先生張良諸葛亮譙周京房張衡並云

角亢氐鄭兗州

東郡入角一度

東平任城山陽入角六度

泰山入角十二度

濟北陳留入亢五度

濟陰入氐二度

東平入氐七度

房心宋豫州

潁川入房一度

汝南入房二度

沛郡入房四度

梁國入房五度

淮陽入心一度

魯國入心三度

楚國入房四度

尾箕燕幽州

涼州入箕中十度

上谷入尾一度

漁陽入尾三度

右北平入尾七度

西河上郡北地遼西東入尾十度

涿郡入尾十六度 渤海入箕一度

樂浪入箕三度 玄菟入箕六度

廣陽入箕九度

斗牽牛須女吳越揚州

史記天官書作斗江潮牽牛婺女揚州漢天文志作吳地斗分

壑也粵地牽牛婺女之分壑也

九江入斗一度 廬江入斗六度

豫章入斗十度 丹楊入斗十六度

會稽入牛一度 臨淮入牛四度

廣陵入牛八度 泗水入女一度

六安入女六度

虛危齊青州

齊國入虛六度

北海入虛九度

濟南入危一度

樂安入危四度

東萊入危九度

平原入危十一度

菑川入危十四度

營室東壁衛并州

安定入營室一度

天水入營室八度

隴西入營室四度

酒泉入營室十一度

張掖入營室十二度

武都入東壁一度

金城入東壁四度

武威入東壁六度

敦煌入東壁八度

奎婁胃魯徐州

史記天官書云奎婁胃魯徐州漢天文志作魯地奎婁之分埜無胃字

東海入奎一度

琅邪入奎六度

高密入婁一度

城陽入婁九度

膠東入胃一度

昂畢趙冀州

魏郡入昂一度

鉅鹿入昂三度

常山入昂五度

廣平入昂七度

中山入昂一度

清河入昂九度

信都入畢三度

趙郡入畢八度

安平入畢四度

河間入畢十度

眞定入畢十三度

薊參魏益州

廣漢入薊一度

越嶲入薊三度

蜀郡入參一度

犍爲入參三度

牂柯入參五度

巴郡入參八度

漢中入參九度

益州入參七度

東井輿鬼秦雍州

雲中入東井一度

定襄入東井八度



鴈門入東井十六度 代郡入東井二十八度

太原入東井二十九度 上黨入輿鬼二度

柳七星張周三輔

天文考異曰天官書柳七星張三河開元占經曰三河河內河東河南是

也周之將亡惟河南一郡故以之爲分野其河內河東乃在魏次中未詳周分野三河之謂矣按詩譜東都王城方六百里之地其封域在豫州太華外方之閒天官書於周分野不言豫州而言三河依禹貢兗州濟河豫州荊河雍州西河而冀州帝都不設境界但以三面距河而知是東都王城所在以河洛伊爲三河故不得比於列國止係之以一州也考之職方豫州之滎洛荊州之潁潁兗州之河沛襟帶左右而三河居天下之最中陰陽之所會風雨之所和誠有見於三河者諸州之總會也況僖公二十五年襄王始以河內賜晉文公河內本周地平案本志州郡躔次均用史記漢書舊說而微有竄易三河已分列於下而改稱三輔則漢魏以來之名稱也

弘農入柳一度

河南入七星三度

河東入張一度

河內入張九度

翼軫楚荊州

南陽入翼六度

南郡入翼十度

江夏入翼十二度

零陵入軫十一度

桂陽入軫六度

武陵入軫十度

長沙入軫十六度

晉書

卷十一